

Na osnovu člana 40. stav 1.tačka 8.Poslovnika o radu Općinskog vijeća Sanski Most ("Službeni glasnik općine Sanski Most, br. 6/10), Statutarno-pravna komisija je na sjednici održanoj dana 30.10.2015.godine, utvrdila prečišćeni tekst Odluke o komunalnim taksama i Tarifama komunalnih taksa

Prečišćeni tekst obuhvata:

Odluku komunalnim taksama i Tarifama komunalnih taksa («Službeni glasnik općine Sanski Most», broj 1/07), Odluku o izmjenama i dopunama Odluku komunalnim taksama i Tarifama komunalnih taksa («Službeni glasnik općine Sanski Most», broj 2/08), Odluku o izmjenama i dopunama Odluku komunalnim taksama i Tarifama komunalnih taksa («Službeni glasnik općine Sanski Most», broj 1/12), Odluku o izmjenama i dopunama Odluku komunalnim taksama i Tarifama komunalnih taksa («Službeni glasnik općine Sanski Most», broj 10/12), u kojima je označen dan stupanja na snagu tih Odluka.

ODLUKA O KOMUNALNIM TAKSAMAMA I TARIFAMA KOMUNALNIH TAKSA

(prečišćeni tekst)

1. OPĆE ODREDBE

Član 1.

Ovom odlukom propisuju se komunalne takse koje se plaćaju na području općine Sanski Most.

Član 2.

Komunalne takse plaćaju se za korištenje predmeta i usluga utvrđenih Tarifom o komunalnim taksama, koja je sastavni dio ove Odluke

Član 3.

Takseni obaveznik je lice koje koristi predmet ili usluge za čije korištenje je propisano plaćanje takse. Ako za istu postoje dva ili više obaveznika njihova obaveza je solidarna.

Član 4.

Komunalne takse plaćaju se u gotovini i na račun, u rokovima propisanim Zakonom o komunalnim taksama i ovom Odlukom.

Član 5.

Komunalne takse su prihod općinskog budžeta.

2. RAZREZ I NAPLATA

Član 6.

Porezna uprava – Kantonalni ured Bihać – Ispostava Sanski Most vrši razrez i naplatu komunalne takse i to:

1. držanje sredstava za igru (bilijari, karte za igru, fliperi i sl.);
2. svaku istaknutu firmu.

Član 7.

Komunalnu taksu za:

1. postavljanje reklamnih natpisa;
2. privremeno zauzimanje javnih površina;
3. prodaja roba ili pružanje usluga izvan poslovnih prostorija;
4. organizovanje i držanje žive muzike u ugostiteljskim objektima;
5. korištenje prostora za kampove;
6. registrovana taksi stajališta rješenjem utvrđuje, kontroliše i naplaćuje nadležna općinska služba za izdavanje odobrenja za korištenje slobodnih prostora u momentu izdavanja odobrenja, odnosno nadležna služba za izdavanje odobrenja za držanje žive muzike u ugostiteljskim objektima, svaka u okviru svoje nadležnosti.

3. NAČIN PRIJAVE I NAPLATE TAKSE

Član 8.

Prijavu takse iz člana 6. takseni obaveznik podnosi Poreskoj upravi – ispostavi Sanski Most do 31. januara tekuće godine, prema stanju na dan prvog januara tekuće godine za koju se razrez vrši. Promjene nastele poslije prvog januara tekuće godine odnosno u toku godine, takseni obaveznik je dužan prijaviti Poreznoj upravi najkasnije u roku od 15 dana od dana nastanka promjene.

Član 9.

Prijavu takse iz člana 6. Takseni obaveznik vrši Poreskoj upravi – ispostavi Sanski Most.

Član 10.

Prijava i plaćanje komunalne takse vrši se na način i u rokovima predviđenim ovom Odlukom i Tarifom o komunalnim taksama.

Član 11.

Općinska služba za upravu nadležna za izdavanje odobrenja za držanje odnosno korištenje predmeta na koje se plaća komunalna taksa i Općinska služba za urbanizam koja je nadležna za izdavanje odobrenja za građenje (gdje prilikom gradnje dolazi do zauzimanja trotoara, uličnog prostora i drugih javnih površina), dužni su u roku od 5 dana po izdatom odobrenju obavjestiti nadležnu poresku ispostavu.

Član 12.

Postupak prinudne naplate komunalne takse po ovoj Odluci pokretat će Poreska uprava – Ispostava Sanski Most, odnosno nadležna općinska služba, svaka u okviru svoje nadležnosti, u skladu sa važećim zakonskim propisima.

Član 12a.

1.) Od plaćanja takse oslobođeni su:

- a.) organi i tijela državne, federalne, kantonalne i općinske vlasti;
- b.) poljoprivredni proizvođači i obrtnici koji obavljaju djelatnosti utvrđene Uredbom o zaštiti tradicionalnih i starih obrta ("Službene novine F BiH", 66/09, 38/10);
- c.) javne ustanove iz oblasti: obrazovanja, nauke, kulture, zaštite kulturne i prirodne baštine, sporta, zdravstva, veterinarstva, socijalne zaštite, humanitarne, vjerske i dobrotvorne organizacije za ostvarivanje ciljeva iz osnovne djelatnosti za koje su registrovane, predškolskog obrazovanja uključujući privatne predškolske ustanove sa registrovanom djelatnošću-predškolsko obrazovanje;
- d.) javna preduzeća čiji je osnivač Općina;
 - 1. e.) organizacije ratnih vojnih invalida, porodica šehida i poginulih boraca, organizacije demobilisanih boraca i civilnih žrtava rata za ostvarivanje ciljeva iz osnovne djelatnosti za koje su registrovani.

2. Pored oslobađanja iz prethodnog stava, od obaveze plaćanja takse za istaknutu firmu oslobađaju se fizička i pravna lica koja registruju proizvodne djelatnosti i to:

- a.) za prve dvije godine poslovanja 100% taksene obaveze;
- b.) za treću godinu poslovanja 50% od ukupnog iznosa taksene obaveze.

4. POVRAT TAKSE

Član 13.

Obaveznik od kojeg je taksa naplaćena, a koju nije bio dužan platiti, ima pravo na povrat. Zahtjev za povrat podnosi se nadležnoj općinskoj službi.

Član 14.

Odluku o povratu takse nadležna služba je dužna donijeti u roku od 30 dana od dana podnošenja zahtjeva.

5. KAZNE NE ODREDBE

Član 15.

Novčanom kaznom od 2.000,00 KM kazniće se za prekršaj pravno lice koje u roku propisanom Zakonom, ovom Odlukom i Tarifom komunalnih taksa, koje se plaćaju na području općine Sanski Most, ne uplati propisanu komunalnu taksu.

Član 16.

Novčanom kaznom od 1.000,00 KM kazniće se za prekršaj odgovorno lice u pravnom licu, koje u roku propisanom Zakonom, ovom Odlukom i Tarifom komunalnih taksa, ne uplati propisanu komunalnu taksu.

Član 17.

Novčanom kaznom od 1.000,00 KM kazniće se za isti prekršaj vlasnici samostalnih radnji i fizička lica.

Član 18.

Pored izrečenih kazni, porezna ispostava će izvršiti prinudnu naplatu takse po propisima u prinudnoj naplati poreza građana.

6. PRIJELAZNE I ZAVRŠNE ODREDBE

Član 19.

Odredbe Zakona o komunalnim taksama kao i propisi doneseni na osnovu tog Zakona, primjenjivaat će se na sve slučajeve koji nisu regulisani ovom Odlukom i Tarifom komunalnih taksa.

Član 20.

Danom stupanja na snagu ove Odluke prestaje da važi Odluka o komunalnim taksama 09-02-2829/00 od 08.08.2000. god. objavljena u Službenom glasniku općine Sanski Most br. 4/2000 i Odluka o izmjenama i dopunama Odluke o komunalnim taksama br.09-02-219/2002 od 30.01.2002. god. objavljena u Službenom glasniku općine Sanski Most br. 1/2002.

Broj:01-02- /15

Sanski Most,02.11.2015.godine

PREDSJEDNIK STATUTARNO-PRAVNE
KOMISIJE

Alagić Mirnes, dipl.prav.,s.r

TARIFA KOMUNALNIH TAKSA KOJE SE PLAĆAJU
NA PODRUČJU OPĆINE SANSKI MOST

(Ova Tarifa je sastavni dio Odluke o komunalnim taksama br.07-02-135/07 od 31.01.2007. godine)

Tarifni broj 1.

Za držanje muzike uživo po jednom danu (dnevno):

- a) u zatvorenim objektima plaća se komunalna taksa..... 10,00 KM
- b) u otvorenim objektima, na vanjskim terasama, ljetnim baštama i sl..... 20,00 KM
- c) na javnim mjestima (stadioni, trgovi, sportske dvorane, javne površine i sl.) 100,00 KM

Za održavanje ostalih sadržaja zabavnog karaktera (cirkus, luna-park i sl.) na otvorenim i zatvorenim prostorima (stadioni, trgovi, sportske dvorane, javne površine i sl.) plaća se dnevno 1,00 KM/m².

Tarifni broj 2.

Za privremeno korištenje slobodnih javnih površina po odobrenju nadležnog organa plaća se:

- a) za jedno sjedište za pružanje ugostiteljskih usluga 5,00 KM
- b) za jedan m² zauzete površine za vršenje ostalih usluga..... 5,00 KM
- c) za izlaganje roba putem vitrina, po jednoj vitrini..... 100,00 KM

Napomena:

Visina takse pod tačkom a) i b) plaća se mjesečno, unaprijed do 5.-og u mjesecu, a pod tačkom c) godišnje, s tim da su poljoprivredni proizvođači oslobođeni plaćanja takse pod tačkom b.

Tarifni broj 3.

Komunalna taksa za držanje sredstava za igru u ugostiteljskim i drugim objektima plaća se:

- a) držanje karata za igru, po špilu..... 100,00 KM
- b) držanje domina po jednoj kolekciji..... 50,00 KM
- c) držanje bilijara po jednom stolu i držanje pikada po jednom aparatu..... 50,00 KM
- d) držanje elektronskih uređaja – video igrice..... 20,00 KM
- e) držanje automata za igre na sreću..... 100,00 KM
- f) privremeni boravak u hotelima, motelima, prenoćištima, kampovima i
privremeni boravak po osobi – dnevno..... 1,00 KM

Napomena:

Obaveze plaćanja takse po tarifnom broju 3.nastaju započinjanjem korištenja odnosno pružanja usluga sredstava za igru, pod tačkom a.), b.), c.), d.), e.), odnosno podnošenjem porezne prijave Poreznoj upravi, s tim da je rok za plaćanje, odnosno valuta dospijeća od koga datuma se vrši obračun kamata za neplaćeni dug 30.04.tekuće godine za koju se podnose prijave.

Tarifni broj 4.

Fizička i pravna lica za svaku istaknutu firmu, natpis i slično, što zamjenjuje firmu plaćaju godišnje taksu i to:

1. Trgovina	
a.) prodavnice novina i duhanskih prerađevina (kiosci).....	50,00 KM
b.) drugi kiosci.....	50,00 KM
c.) butici, specijalizirane i klasične prodavnice, i otkupne stanice....	150,00 KM
d.) diskontne prodavnice, dragstori i samoposluge.....	200,00 KM
e.) skaldišta – stovarišta (ostala).....	300,00 KM
f.) skldišta – stovarišta građevinskog materijala.....	800,00 KM
g.) skladišta – stovarišta prehrambeni proizvoda.....	600,00 KM
h.) tržnice na malo.....	500,00 KM
i.) autopijace i stočne pijace.....	100,00 KM
j.) robne kuće i trgovački centri.....	2.500,00 KM
k.) trgovina na veliko na osnovu uzorka, u tranzitu, usluge posredovanja i prateće usluge.....	350,00 KM
l.) benzinske pumpne stanice.....	3.000,00 KM
m.) pumpne stanice za lož ulje.....	400,00 KM
n.) plinske pumpne stanice.....	300,00 KM
o.) apoteke.....	400,00 KM
2. Obrtničke radnje i druge uslužne djelatnosti.....	100,00 KM
3. Klaonice.....	700,00 KM
4. Ugostiteljstvo	
a) buregdžinice, čevabdžinice, aščinice, bosanske kafe.....	200,00KM
b) buffeti, pivnice, bistroi, kafane, caffe-barovi, caffe – slastičarne, ljetne bašte, pizzerije, konobe i gostione.....	300,00 KM
c) restorani i saloni za posebne prilike.....	500,00 KM
d) hoteli i moteli.....	2.000,00 KM
e) barovi, noćni barovi, disko klubovi i disko barovi.....	1.200,00 KM
5. Putničke i turističke agencije i ostale turističke usluge.....	100,00 KM
6. Ljekarske ordinacije.....	750,00 KM
7. Advokatske, notarske kancelarije, biro i projektantski biro.....	1.200,00 KM
8. Knjigovodstveni biro.....	600,00 KM
9. Štamparija i dizajniranje.....	250,00 KM
10. Škola informatike i stranih jezika, internet klubi sl.....	100,00 KM
11. Medijske kuće	
a) televizije.....	2.000,00 KM
b) radio.....	1.000,00 KM
12. Pravna pomoć građanima.....	200,00 KM
13. Auto – škole, prevoznici lica i stvari i pogrebne djelatnosti.....	500,00 KM
14. Mjenjačnice i poslovnice mjenjačnica.....	300,00 KM
15. Predstavništva firmi i poslovne jedinice.....	500,00 KM
16. Osiguravajuća društva i poslovnice osiguravajući društava.....	3.000,00 KM
17. Banke i poslovne jedinice banaka.....	5.000,00 KM

18. Objekti igara na sreću: tombola.....	500,00 KM
19. Sportske kladionice i poslovnice sportskih kladionica.....	7.500,00 KM
20. Lutrije i ostale igre na sreću.....	2.500,00 KM
21. Privredna društva:	
a) proizvodna i uslužna	300,00 KM
b) građevinarstvo.....	900,00 KM
c) proizvodnja i prodaja građevinske stolarije.....	1.000,00 KM
d) betonare.....	1.000,00 KM
e) asfaltne baze.....	1.000,00 KM
f) eksploatacija mineralnih sirovina (industrijskih i ostalih mineralnih sirovina).....	1.000,00 KM
g) završni instalaterski radovi u građevinarstvu.....	300,00 KM
22. Prerada drveta – pilane.....	2.000,00 KM
23. Rent-a-car i poslovnice rent-a-car-a.....	500,00 KM
24. Poslovne jedinice koje pružaju telekomunikacijske usluge, distribuciju električne energije i poštanske usluge.....	5.000,00 KM
25. Agencije za promet nekretnina.....	1.200,00 KM
26. Mikrokreditne organizacije.....	1.500,00 KM
27. Kockarnice.....	5.000,00 KM
28. Trgovina motornih vozila.....	2.000,00 KM

29. Niskoakumulativne i deficitarne zanatske proizvodne i uslužne djelatnosti koje su utvrđene odlukom Vlade USK-a ("Sl. Glasnik USK-a" broj 7/03) te poljoprivredne djelatnosti, oslobađaju se plaćanja takse iz tačke 2. ovog tarifnog broja.

Napomena:

Pod istaknutom firmom podrazumjeva se svaka oznaka ili natpis koji označava da određeno fizičko ili pravno lice obavlja izvjesnu djelatnost ili zanimanje.

Obaveze plaćanja takse po tarifnom broju 4. nastaju započinjanjem rada po dobivanju rješenja za rad od strane nadležnog organa, odnosno podnošenjem porezne prijave Poreznoj upravi, s tim da je rok za plaćanje, odnosno valuta dospjeća od koga datuma se vrši obračun kamata za neplaćeni dug 30.04. tekuće godine za koju se podnose prijave.

Ne plaća se taksa na firmu ispisanu na motornom vozilu, ako je vozilo registrovano za vlastite potrebe.

Na osnovu uvjerenja Poreske uprave općinski organ će izvršiti povrat komunalne takse za pravna i fizička lica koja su prestala sa radom, a izvršili su uplatu komunalne takse za cijelu godinu.

Pravna lica pored plaćanja komunalne takse za istaknutu firmu obavezni su platiti komunalnu taksu i za svaku poslovnu jedinicu, a po osnovu tarifnog broja 4.

Za isticanje oglasa, reklama, panoa i displeja na zgradama, pored puteva i drugim javnim mjestima plaća se:

za elektronsko reklamiranje displeja.....	50,00 KM
za reklame po m ² površine.....	100,00 KM

Napomena:

Pod tačkom a) taksa se naplaćuje mjesečno i to unaprijed za tekući mjesec, najkasnije do 5-og u mjesecu.

Pod tačkom b) taksa se plaća godišnje, a najkasnije do 31. januara tekuće godine i uvećava se za 30% ukoliko je reklama obostrano ispisana u odnosu na jednostrano ispisanu reklamu.

Za postavljanje reklame u toku godine naplaćuje se preračunati iznos takse shodno broju preostalih mjeseci korištenja, a kao baza uzima se godišnja taksa.

Tarifni broj 6.

Za korištenje slobodnih prostora za kampovanje, šatore i drugu privremenu upotrebu plaća se dnevno 1,00 KM po 1 m².

Za korištenje slobodnih površina za prigodnu prodaju plaća se dnevno 50,00 KM po prodajnom mjestu.

Napomena:

Pod privremenom upotrebom u smislu ovog tarifnog broja podrazumjeva se za kampovanje i šatore korištenje do 15 dana, a za deponije materijala do 90 dana.

Tarifni broj 7.

Za korištenje prostora za parkiranje motornih vozila i njihovi prikolica na određenom parking prostoru plaća se:

-za putničke automobile plaća se 1,00 KM dnevno,

-za teretna motorna vozila, autobuse i građevinske mašine u toku dana i noći (24 sata) plaća se 5,00 KM,

-za taksi vozila plaća se taksa u iznosu od 200,00KM godišnje.

Napomena:

Za prikolice automobila, terenskih motornih vozila i autobusa, plaća se taksa u iznosu kao i za motorna vozila koja ih vuku.

PREDSJEDNIK STATUTARNO-PRAVNE
KOMISIJE

Alagić Mirnes, dipl.prav.